

欽定大清會典事例

欽定大清會典事例卷三百二十五

禮部

婚禮  
公主下嫁禮  
親王婚禮  
世子郡王

公婚禮  
輔國將軍婚禮  
鎮國將軍婚禮  
奉恩將軍

軍婚禮  
閒散宗室婚禮  
覺羅婚禮  
王

公以下婚娶通例  
郡主歸禮  
縣主歸禮  
鄉主

婚禮

公主下嫁禮。凡指婚日。褻事大臣偕額駙蟒

袍補服詣

乾清門東階下。額駙北面跪。褻事大臣西面立。宣

有

旨。令以某公主擇配某。額駙祇受

命。行三跪九叩禮。興退。屈吉。額駙詣

午門前。恭進初定一九禮。得

旨。分納所司。

謹案道光二十一年。初定一九禮。照例呈進。二十二年。初定禮改進。羊九隻。以後初定。俱照案改進。同治十二年。仍令照例呈進。

次日早。樂部和聲署

設中和韶樂於

保和殿檐下。設丹陛樂於

中和殿後檐下。俱北嚮。入燕之王內大臣侍衛及

執事官員。俱穿蟒袍補服。其執事之拜唐阿人

等俱穿蟒袍。張黃幕設反玷於

中和殿後階下正中。臺盞壺卮皆具。尚膳總領內  
管領設

御筵於

寶座前正中稍遠。內大臣內務府大臣禮部光祿寺  
堂官共視豫設各席。陳肉於盤。是日鴻臚寺官  
引額駙並伊族中人員俱朝服先詣

皇太后宮

慈寧門前。不贊行三跪九叩禮。禮畢引至

保和殿丹陛上立。入燕之王大臣侍衛各就班次

立。屆時。禮部堂官奏設燕齊備。

皇帝具龍袍袞服

御保和殿。中和韶樂作。奏隆平之章。

皇帝升寶座。樂止。鴻臚寺鳴贊官贊排班。鴻臚寺官

引額駙並族中人員排班。鳴贊官贊行三跪九

叩禮。丹陛樂作。奏治平之章。禮畢。樂止。鴻臚寺

官引額駙並伊族中人員入班次。與衆俱行一

叩頭禮坐。護軍參領膳房總領移

御筵就近。丹陛清樂作。奏海宇昇平日之章。尚茶官

進茶。

皇帝用茶時。衆俱於坐次跪。行一叩頭禮。茶畢。侍衛  
進前散茶。衆俱於坐次行一叩頭禮。飲畢。復行  
一叩頭禮。坐。樂止。展席幕。掌儀司官就反坫取  
捧臺盞壺卮。由中路進。丹陛清樂作。奏玉殿雲  
開之章。衆皆起立。進爵大臣出。釋補服於

殿門檻外西旁東嚮立。掌儀司官上

殿階。在檻外東旁西嚮立。鴻臚寺堂官引額駙並

伊族中人員出。至階下兩旁排立。掌儀司官酌

酒。進爵大臣進前跪。額駙並伊族中人員在

殿階下兩旁跪。衆俱於各坐次跪。掌儀司官跪舉

爵。授進爵大臣畢。起退。進爵大臣接爵起。由中階升。由西邊進。

御座側。跪進爵。

皇帝受爵。進爵大臣起。由西階下。復至原跪處跪。

皇帝用酒時。進爵大臣行一叩頭禮。衆皆行一叩頭禮。進爵大臣起。仍由西階升。跪接爵。由中階下。至原跪處跪。掌儀司官進。跪接爵。退。衆先起立。掌儀司官以金卮酌酒進。立。

賜進爵大臣酒。進爵大臣跪接。行一叩頭禮。飲畢。掌儀司官立接卮退。進爵大臣行一叩頭禮。起。加。

補服歸班次。鴻臚寺官於

賜進爵大臣酒時。即引額駙並伊族中人員行一叩頭禮。樂止。衆皆行一叩頭禮坐。

皇帝用饌。中和清樂作。奏萬象清甯之章。

恩賜食品於兩邊畢。尚膳官進肉饌。分

賜衆畢。進反站。樂止。

御前侍衛奉酒置

御前卓上。領侍衛內大臣監看侍衛授酒。衆接酒叩

頭。飲畢。復行一叩頭禮。是時蒙古樂歌進。奏蒙

古樂歌畢。反站



御筵俱徹。衆皆起立。鴻臚寺官引額駙並族中人員

至原行禮處聽贊謝

恩行一跪三叩頭禮。

如皇子王大臣等奏准入燕均於生次行一跪三叩頭禮。

丹陛樂作。奏治平之章。禮畢。樂止。禮部堂官奏筵燕禮畢。中和韶樂作。奏顯平之章。

皇帝還宮。樂止。衆皆出。鴻臚寺官引額駙並伊族中人員至

內右門外。不贊嚮

皇后宮行三跪九叩頭禮退。至筵燕設席王大臣侍

衛坐次。繪圖恭呈

御覽。

如額駙係外藩。其引禮視席。均係理藩院堂官會同辦理。

○額駙族中女眷

於

皇太后宮筵燕禮節。是日早。掌儀司內監設中和韶樂於

慈寧宮檐下。設丹陛樂於

慈寧門內檐下。俱北嚮。鴻臚寺官率額駙並伊族中人員。俱朝服於

慈寧門外。不贊。行三跪九叩頭禮。額駙族中女眷俱朝服。進爵命婦及前引。並引禮散茶酒之侍衛命婦俱蟒服。於

永康右門外會齊。內務府視設席。尚膳女官內管  
領妻等。豫設

皇太后大燕卓於

寶座前稍遠。設

皇后燕卓於

寶座東旁僉嚮。設

皇貴妃。

貴妃

妃

嬪燕卓於東西稍後。各豫設坐褥。設額駙族中女

看卓於西邊東嚮。設進爵命婦侍衛命婦等卓於月臺上東邊西嚮。張黃幕陳金器於

慈寧門下。至時。禮部堂官令內監引額駙族中女眷進爵命婦侍衛命婦等。於

啟祥門外排立。禮部堂官轉傳內監奏請

皇后率

皇貴妃

貴妃

妃

嬪具龍袍補服。乘輿依次出

啟祥門。侍衛命婦等前引。額駙族中女眷等後隨。

至

徽音右門降輿。引禮侍衛命婦引

皇后

皇貴妃

貴妃

妃

嬪等。至各位依次立。引額駙族中女眷至丹陛上

立。總管太監奏設燕齊備。請

皇太后升慈寧宮寶座。

皇太后具龍袍補服出宮。中和韶樂作。奏豫平之章。  
皇太后升座。樂止。引禮侍衛命婦。引額駙族中女眷。依  
次嚮上排列立定。行六肅三跪三拜禮。丹陛大  
樂作。奏益平之章。禮畢。樂止。

皇后

皇貴妃

貴妃

妃

嬪各於本位行一叩禮坐。引禮侍衛命婦。引額駙  
族中女眷入坐次。行一叩禮坐。尚膳女官內管

領妻等進大燕卓於

皇太后前。丹陛清樂作。奏海宇昇平日之章。尚茶女官

進茶。

皇太后用茶時。

皇后

內庭主位以下。各於位次跪。行一叩禮。茶畢。內府

女官進

皇后

皇貴妃

貴妃

妃

嬪。茶。侍衛命婦等分

賜額駙族中女眷茶。

皇后

內庭主位以下。俱於位次行一叩禮。飲畢。復行一叩禮。坐。樂止。展席幕。內管領妻由反站取捧臺盞壺卮。由中路進。丹陛清樂作。奏玉殿雲間之章。

皇后

內庭主位以下俱起立。進爵命婦出



殿檐外西旁東嚮立。內管領妻等上。

殿階在檻外東旁西嚮立。引禮侍衛命婦引額駙族中女眷出。至階下角路兩旁跪。

皇后

內庭主位以下俱跪。內管領妻捧爵。跪授進爵命婦起。退。進爵命婦接爵起。由中階升。由西邊進。

皇太后座側。跪進爵。

皇太后用酒。進爵命婦起。由西階下。復至原跪處。跪。行一叩禮。

皇后

內庭主位以下。俱行一叩禮。進爵命婦起。仍由西階升。跪接爵。由中階下至原跪處跪。內管領妻跪接爵退。

皇后

內庭主位以下。俱先起立。引禮侍衛命婦。引額駙族中女眷入坐次立。內管領妻以金卮酌酒進立。

賜進爵命婦。進爵命婦跪接。行一叩禮。飲畢。內管領妻立接卮退。進爵命婦行一叩禮。起就坐次。樂止。

皇后

內庭主位以下。皆行一叩禮坐。

皇太后用饌。中和清樂作。奏萬象清甯之章。

恩賜食品於兩邊。尚膳女官進肉饌。分

賜與額駙族中女眷。及進爵命婦侍衛命婦等畢。內管

領妻女官等進反坫。樂止。侍衛命婦於

皇后

皇貴妃

貴妃

妃

嬪前。各進酒一次。

皇后

皇貴妃

貴妃

妃

嬪各於本位行一叩禮。飲畢。復行一叩禮。坐。內管  
領妻各二人。引侍衛命婦等於額駙族中女眷  
各巡酒一次。額駙族中女眷亦各於坐次行一  
叩禮。飲畢。復行一叩禮。坐。是時內監垂簾。蒙古  
樂歌人員由

慈寧門東門入。至丹陛上。奏蒙古樂歌畢。退出。內監

升簾。

皇后

內庭主位以下皆起立。引禮侍衛命婦。引額駙族中女眷。在丹陛上依次嚮上排立。謝。

恩行二肅一跪一叩禮。丹陛樂作。奏益平之章。禮畢。樂止。總管太監奏請。

皇太后還宮。中和韶樂作。奏履平之章。

皇太后還後宮。樂止。引禮侍衛命婦。引。

皇后

皇貴妃

貴妃

妃

嬪至

徽音左門外。乘輿還宮。額駙族中女眷等隨出。至隆宗門外恭候。於

皇后宮行六肅三跪三拜禮。各退。○額駙族中女眷於

皇后宮筵燕禮節。在

內庭何處筵燕。禮部先期請旨。嘉慶七年。莊靜固倫公主

初定禮。奉

御踏秀宮筵燕。是年禮節謹載。皇后

是日早。掌儀

司太監設中和韶樂於

宮檐下。設丹陛大樂於

宮門內左右。俱北嚮。

派出陪燕之公主福晉等。咸衣蟒袍補服。額駙族中  
女眷咸衣朝服。均詣

儲秀宮門外祇俟。內務府視設席。尚膳太監豫設  
皇后燕卓於

寶座前稍遠。設

妃

嬪燕卓於

寶座東西兩旁稍後。派出陪燕之公主福晉燕卓。由

內務府按次陳設。各豫設坐褥。設額駙族中女  
眷燕卓於地平下西旁東嚮。張黃幕設反玷於  
宮門內正中。臺盞壺卮皆具。至時。

妃

嬪俱龍袍補服。由

內宮出。首領太監引至

儲秀宮各就位。次少立。首領太監具奏設燕齊備。  
請

皇后出宮。

皇后具龍袍補服出宮。首領太監前引。中和韶樂作。



奏淑平之章。

皇后御儲秀宮升座。樂止。引禮太監。引額駙族中女眷至階下。依次嚮上排立。行六肅三跪三拜禮。丹陛大樂作。奏正平之章。禮畢。樂止。

妃

嬪公主福晉各於本位行一叩禮坐。引禮太監。引額駙族中女眷各入坐次。亦行一叩禮坐。尚膳太監進燕卓於

皇后寶座前。丹陛清樂作。奏海宇昇平日之章。尚茶太監進茶。

皇后用茶時。

內庭主位以下各於位次跪行一叩禮。茶畢。首領  
太監進

妃

嬪公主福音茶。並分

賜額駙族中女眷茶。各於位次行一叩禮。飲畢。復行  
一叩禮坐。樂止。首領太監展席幕。就反坫捧臺  
盞壺卮。由中路進。丹陛清樂作。奏玉殿雲開之  
章。

內庭主位以下俱起立。進酒。命婦出。在

殿楹外西旁東嚮立。引禮太監引額駙族中女眷出。至階下甬路兩旁跪。

內庭主位以下俱跪。首領太監捧爵跪投進酒命婦畢。起退。進酒命婦接爵起。由中階升。由西邊進至。

皇后座側跪進爵。

皇后受爵。進酒命婦起。由西階下。復至原跪處跪。

皇后用酒時。進酒命婦行一叩禮。

內庭主位以下俱行一叩禮。進酒命婦起。仍由西階升。跪接爵。由中階下。至原跪處跪。首領太監

跪接爵退。

內庭主位以下俱先起立。引禮太監引額駙族中女眷各入坐次立。首領太監奉金卮酌酒以進立。

賜進酒命婦進酒命婦跪接。行一叩禮。飲畢。首領太監立接卮退。進酒命婦行一叩禮起。就坐次。樂止。

內庭主位以下皆行一叩禮坐。

皇后用饌。中和清樂作。奏萬象清甯之章。恩賜食品於兩旁。尚膳太監進肉饌。分

賜與額駙族中女眷畢。進反站。樂止。首領太監進酒於

妃

嬪公主福晉前。各一次。

妃

嬪公主福晉各於本位行一叩禮。飲畢。復行一叩禮。坐。引禮太監於額駙族中女眷前。各巡酒一次。額駙族中女眷亦各於坐次行一叩禮。飲畢。復行一叩禮。坐。是時南府太監於

宮門內階下。奏滿洲樂歌。並演戲三齣。畢。退出。

內庭主位以下皆起立。引禮太監引額駙族中女眷至階下。依次嚮上排立。謝。

恩行。二肅。一跪。一叩禮。丹陛大樂作。奏正平之章。禮畢。樂止。首領太監奏請。

皇后還宮。中和韶樂作。奏順平之章。首領太監前導引。

皇后還宮。並分引

妃

嬪還宮。樂止。引禮太監引公主福晉出。額駙族中女眷隨出。鴻臚寺官引額駙。並伊族中人員朝。

服至

內右門外。不贊。行三跪九叩禮。禮畢各退。如額駙係外藩。

則會同理藩院堂官帶領行禮。○如

皇后未經御燕。

謹

崇嘉慶

六年。莊敬和碩公主初定

皇后未經御燕。內庭主

位。在翊坤宮筵燕。是年禮節謹載。

內庭主位在

翊坤宮舉行筵燕。是日。額駙族中女眷咸衣朝服。

進

翊坤宮院內序立。派出

內庭陪燕之公主福晉俱蟒袍補服序立。豫備

妃

嬪燕卓於

翊坤宮

皇后寶座兩旁。設公主福晉燕卓於地平下東旁。設額駙族中女眷燕卓於地平下西旁。至吉時。

妃

嬪具龍袍補服。由

內宮出。前引總管太監引至

翊坤宮。各就位。次少立。絃索承應迎送。引禮太監引額駙族中女眷依次嚮上排立。行六肅三跪。



三拜禮。禮成。

妃

嬪升座。公主福晉各於本位行一叩禮坐。引禮太監引額駙族中女眷入坐次。行一叩禮坐。茶房首領太監捧

妃

嬪以下茶卓。由中路進。至

殿檐下。總管首領進

妃

嬪茶。滿洲樂歌承應。首領太監等分賞公主福晉

及額駙族中女眷茶。各於位次行一叩禮。飲畢。  
復行一叩禮。坐。首領展席幕。奉

妃

嬪以下酒卓。由中路進。南府人等演戲。首領等酌  
酒跪授進酒總管首領。跪接爵起。由中路升地  
平。至

妃

嬪座位前跪進。

妃

嬪受爵。進酒首領太監分賞公主福晉及額駙族

中女眷酒。皆行一叩禮。飲畢。復行一叩禮。坐。膳房首領太監捧肉卓由中路進。

妃

嬪用饌畢。首領太監等分賞公主福晉及額駙族中女眷肉饌。戲畢。

妃

嬪及公主福晉起立。引禮首領引額駙族中女眷至階下。依次嚮上排立。謝。

恩行二肅。一跪一叩禮。總管太監奏燕畢。

妃

嬪還宮。首領太監引公主福音出。額駙族中女眷隨出。鴻臚寺官引額駙並伊族中人員仍朝服至。

內右門外。不贊行三跪九叩禮畢。各退。如額駙係外藩。仍會

同理藩院堂官帶領行禮如前儀。

釐降前一日。額駙蟒袍補服。

率族人詣

乾清門外

內右門外。行三跪九叩禮各如儀。內務府官率鑾儀校以公主妝奩詣額駙邸第。內管領命婦陳設。屆日。額駙家備九九禮詣。

午門恭納。

皇太后御慈寧宮筵燕。

皇帝御太和殿筵燕。如初定禮。

和碩公主傳止此燕。

是日陪送

之王福晉貝勒貝子夫人暨內務府大臣命婦  
二人。內管領命婦十人。皆盛服於

宮外別室祇候。贊事命婦豫詣額駙邸別室祇候。  
步軍統領飭屬灑掃清道。鑾儀衛備儀仗綵輿。  
內務府大臣一員。官屬四員。內管領二員。護軍  
參領二員。護軍校二員。蟒袍補服。偕護軍二十  
名。於綵輿所出。

宮門前祇候。升輿吉時屆。公主吉服詣

皇太后

皇帝

皇后前行禮。若

皇貴妃

貴妃

妃

嬪所出。並於

皇貴妃

貴妃

妃

嬪前行禮。各如儀畢。

謹案道光二十一年奉旨。此次壽安固倫公主下

嫁。升與前著免其行禮。

命婦導翼升輿。內校舁輿行出宮。

儀仗前列。

嘉慶十一年歸寧時陳設。

今議於下

諭儀仗一分。係歸寧時陳設導

引。自無不可。

陪送之福晉夫人。及隨從命婦乘輿隨

行。內務府總管內管領乘騎少遠導從。參領及

護軍乘騎護行。詣額駙邸第。及門。衆下馬步入。

儀仗止。及儀門。各官止。輿入。至廳事正中。輿止。

命婦階下下輿升堂。導公主出輿。福晉夫人下

輿。隨公主入室。額駙父禮賓於外堂。額駙母禮

女賓於中堂。饗各執事人。合卺吉時屆。贊事命婦上合卺酒。設燕。額駙與公主行合卺禮。衆退。九日歸甯行謝。

恩禮。公主額駙夙興朝服。公主詣

皇太后

皇帝

皇后前行禮。若

皇貴妃

貴妃

妃



嬪所出。並於

皇貴妃

貴妃

妃

嬪前行禮。額駙詣

慈寧門外東階下

乾清門外

內右門外行禮。各如儀畢。還邸第。○原定。凡奉

旨指婚。乃擇吉。

命夫婦偕老之大臣

嘉慶十八年  
十夫婦偕老大臣。

開單進呈。不

諭。年逾五

及五旬者。傳  
毋庸開列。

旨。至日。召額駙及其父兄至

宮門前。大臣傳

旨訖。謝

恩行禮。納采具馭一馬八。額駙於前一日早詣

午門恭進。屆日。進燕九十席。羊八十有一。酒四十

五瓶。

謹案向例酒九十瓶。遵五年。

酒九十瓶。

於乾隆三十五年裁減四十五瓶。

其燕席

交光祿寺備辦。

乾隆五十四年奉旨。所

有應用卓張者。內務府備辦。羊

酒不必令額駙家  
備。亦著官辦。

乃設燕於

保和殿。

如設於

駕駐

正大

圓明園。

暨

皇后宮。

皇帝御殿。行燕饗禮。

皇子王等候

旨。內大臣侍衛暨大學士尚書咸與燕。乾隆三十五年奉

旨。滿漢大學士尚書俱令入燕。額駙之父率其族人。有職者。

朝服行禮。遂入燕。謹案道光二十一年公主薨降。停止筵燕。以後俱照案停

止。其餘大臣官員。停其傳集。

皇后御宮。行燕饗禮。

妃

嬪咸會。額駙之母率其族中諸婦朝服行禮。遂入

燕。是日額駙父率族人詣

皇后宮門前行禮。下嫁前一日。遣官齎送妝奩。以年  
命相合之內管領命婦率執事婦女詣額駙第  
陳設妝奩。至日。額駙恭進鞦韆馬二九。甲冑二九。  
馬二十有一。馱六。燕九十席。羊九九。乳酒黃酒  
四十五瓶。謹案道光二十一年公主下嫁。停  
止呈進九九禮。以後俱照案免進。乃  
設燕於

保和殿暨

皇后宮與納采同。

謹案國倫公主初定禮。成婚禮。均  
延燕和碩公主成婚禮。不延燕。

下嫁日。以

皇子福晉暨近支王福晉貝勒貝子夫人內年命相合無忌者。由內務府奏請。

欽命一人送親。合卺褰禮以大員命婦陪送。以內管領妻及隨從婦女。咸用年命相合無忌者。導從及各執事。用內務府官四人。內管領二人。護軍參領二人。護軍校二人。護軍二十人。均由內務府揀委。其合卺設燕。用羊九。酒九瓶。燕席以夫婦偕老之內管領辦理。成婚後九日。行歸甯禮。導引護從。用內務府官一人。護軍參領一人。護軍校二人。護軍二十人。是日公主於

皇帝

皇后暨

妃

嬪前行禮。額駙於

皇帝

皇后宮門前行禮。○道光二十一年

諭。向來固倫公主和碩公主下嫁。額駙及額駙之父母。

俱給公主屈膝請安。如有賞項。亦必磕頭。此等禮節。殊屬不合體制。本年十月初三日。壽安固倫公主下嫁後。固倫額駙德木楚克扎布見公主時。著站立向

公主請安。公主亦站立問好。額駙之父鼐曼王阿宛都窪第扎布。與其福晉及額駙之生母。見公主時。俱著站立。給公主請安。公主亦站立向其請安。如遇公主送給額駙及額駙之父母什物等事。亦俱著站立。向公主說磕頭。不必屈膝。以重倫禮。各宜欽遵。著為令。○又

諭壽安固倫公主。十月十一日回門。公主額駙俱著穿蟒袍補服。毋庸陳設儀仗。屆時。公主額駙由府同行。公主進福圍門。額駙詣綺春園宮門外。祇候進內。同詣

皇太后前行三跪九叩禮畢。額駙退出。進圓明園內左門。候與公主一同詣朕前行三跪九叩禮。詣皇貴妃前行二跪六叩禮畢。在同樂園賞額駙飯。至公主乘輿。毋庸鑾儀衛校尉豫備。護從人等。由內務府照每逢進宮例除派。○二十二年

諭壽臧和碩公主回門。進內行禮。額駙恩醇者在慈寧門外乾清門外行禮。毋庸在內右門外行禮。○二十五年奉

旨。壽恩固倫公主釐降前一日。著額駙景壽率族人在綺春園宮門外行禮。後至圓明園出入賢良門外行



禮。○又奉

旨。壽恩固倫公主九日回門。著額駙景壽先至綺春園  
進內。與公主一同行禮。次在圓明園與公主一同行  
禮。○同治二年。壽莊和碩公主九日回門。與額駙一  
同進

內。詣

慈安皇太后

慈禧皇太后

穆宗毅皇帝前。公主行六肅三跪三拜禮。額駙行三跪

九叩禮畢。詣

皇貴太妃

妃前。公主行四肅二跪二拜禮。額駙行二跪六叩禮。○又壽禧和碩公主九日回門行禮。奉

旨。壽禧和碩公主九日回門。額駙扎拉豐阿著進內一同行禮畢。詣壽安宮

彤妃前一同行禮。○十二年。榮安固倫公主九日回門。與額駙俱朝服詣

內一同行禮畢。詣

壽西宮一同行禮。

親王婚禮。○崇德年間定。聘朝臣女為婚者。納

采禮。綴金珠。綴衣裳九襲。綴衾褥七具。金約領一。大小金簪各三。金耳飾三對。金指環十。是日設燕五十席。牲三十六。酒五十瓶。成婚日。燕六十席。牲四十五。酒六十瓶。自親王公主福晉以下。咸會燕。給女父朝衣冠帶鞞各一具。女母蟒。綴衣裳一襲。金耳飾一具。又鞦馬二匹。若聘外藩親王女。鞦馬甲冑各十有二。聞甲二十有外。藩親王女。鞦馬甲冑各十有二。聞甲二十有

四。緞六十疋。布六百疋。銀茶盆銀酒盆銀茶筭各一具。郡王之女。鞞馬甲冑各十。閒甲二十。緞五十疋。布五百疋。貝勒之女。鞞馬甲冑各八。閒甲十有六。緞四十疋。布四百疋。銀器均與親王女同。台吉之女。鞞馬甲冑各六。閒甲十有二。緞三十疋。布三百疋。銀酒盆銀茶筭各一具。成婚日。燕用牲六十有三。福晉父母送女來者。均給冬夏衣各一襲。貂裘各一領。鞋帶佩刀橐鞬各一副。甲冑一。鞞馬二。緞三十疋。布二百疋。銀茶盆銀酒盆銀茶筭各一具。女之兄弟來者。給時

衣一襲。給從者三十人衣服有差。○順治九年定。燕日。親王以下侍郎男以上。公主福晉以下。郡君貝子夫人以上。咸會燕。諸王福晉公主等由本家自請。民公以下大臣由部傳集。聘朝臣之女。其父母加給金二十兩。銀千兩。

世子郡王婚禮。○崇德年間定。聘朝臣女為婚者。納采禮。綴金珠綴衣裳八襲。綴衾褥六具。金指環八。餘與親王同。是日。設燕四十席。牲二十有七。酒四十瓶。成婚日。燕五十席。牲三十有六。酒五十瓶。會燕及給女父母服物。與親王同。聘

外藩親王郡王貝勒台吉女。納采禮。燕席牲酒及聘禮。均與親王同。成婚日。燕用牲六十有三。給女父母及兄弟從人。如係親王郡王。並得視親王。如係貝勒台吉。給緞二十五疋。布一百五十疋。銀茶盆銀酒盆銀茶筭各一具。餘衣裘鞋帶。素鞵韁馬。與親王同。給從者二十五人衣服有差。○順治九年定。世子郡王納福晉。均如親王例。聘朝臣之女。其父母加給金十兩。銀七百兩。

貝勒婚禮。○崇德年間定。聘朝臣之女為婚者。

納采禮。綴金珠。綴衣裳七襲。綴衾褥五具。金指環六。餘與郡王同。是日。設燕三十席。牲十有八。酒三十瓶。成婚日。燕四十席。牲二十有七。酒四十瓶。自郡王郡王福晉以下。咸會燕。給女父。綴衣裳一襲。鞵馬一匹。間馬一匹。女母。綴衣裳一襲。餘與郡王同。聘外藩女。納采。用牲四十有五。鞵馬甲冑各二。銀茶甬一具。綴八疋。布三十疋。率準五九之數。燕用牲二十有七。聘禮與郡王同。成婚日。用牲四十有五。給女父母兄弟從人。係親王郡王。均得視親王。係貝勒台吉。給女父。

母時衣各一襲。貂裘捨狝狝裘各一。鞶帶佩刀。素纈各一具。羣馬一匹。緞二十疋。布百疋。銀茶。簫二具。給從者二十人衣服有差。○順治九年。定。燕日。郡王以下。都統尚書子以上。郡王福晉以下。貝子夫人。郡君以上。咸會燕。王福晉等由本家自請。民公以下。由部傳集。聘朝臣之女。其父母加給金五百兩。銀五百兩。○又定。貝勒以下行禮。禁用珍珠粧緞。

貝子婚禮。○崇德年間定。聘朝臣女為婚者。納采禮。緞衣裳六襲。緞衾褥四具。大小金簪各二。



金指環四。餘與貝勒同。是日設燕二十席。牲十有。四。酒二十瓶。成婚日。燕三十席。牲二十有一。酒三十瓶。自貝勒貝勒夫人以下咸會燕。給女父母視貝勒減馬一匹。餘並同。聘外藩女。納采用牲二十有七。輦馬甲冑各一。銀茶簫一具。緞四疋。布十有九疋。率準三九之數。燕用牲十有八。聘禮。輦馬甲冑各六。間甲十有二。緞三十疋。布三百疋。銀盆銀茶簫各一具。成婚日。燕用牲二十有七。給女父母兄弟從人。係親王郡王。均得視親王。係貝勒台吉。給女父母時衣各一襲。

貂裘狐裘各一。鞶帶佩刀囊鞬各一具。鞞馬一匹。緞十有五疋。布七十疋。銀茶筭一具。給從者十有五人衣服有差。○順治九年定。燕日。貝勒以下。本旗侍郎男以上。貝勒夫人以下。輔國公縣君以上。咸會燕。貝勒貝勒夫人由本家自請。大臣由部傳集。聘朝臣之女。其父母加給銀四百兩。

鎮國公婚禮。○崇德年間定。聘朝臣女為婚者。納采禮。緞衣裳五襲。餘與貝子同。是日設燕十有八席。牲十有三。酒十有八瓶。成婚日。燕二十

八席。牲十有七。酒二十八瓶。給女父母服物。與  
貝子同。聘外藩女。納采用牲十有八。鞵馬甲冑  
各一。銀茶簫一具。緞三疋。布十有一疋。率準二  
九之數。燕用牲十有八。聘禮。鞵馬甲冑各五。間  
甲十。緞二十五疋。布二百五十疋。銀盆銀茶簫  
各一具。成婚日。燕用牲二十有七。給女父母兄  
弟從人。係親王郡王。均與親王同。係貝勒台吉。  
與貝子同。○順治九年定。燕日。貝子以下奉國  
將軍以上。貝子夫人縣君以下。奉國將軍淑人  
以上。及本府官屬咸會燕。由本家自請。聘朝臣

之女。其父母加給銀三百兩。

輔國公婚禮。○崇德年閒定。聘朝臣女為婚者。納采禮。緞衣裳四襲。緞衾褥三具。餘與鎮國公同。燕視鎮國公減牲二席二。給女父母服物。均視鎮國公。聘外藩女。納采用牲九。鞵馬甲冑各一。銀茶筭一具。緞三疋。布二疋。率準一九之數。聘禮。鞵馬甲冑各四。間甲八。緞二十疋。布二百疋。銀盆銀茶筭各一具。燕席及給女父母兄弟從人服物。均與鎮國公同。○順治九年定。燕日。鎮國公以下。奉國將軍以上。及本府官屬。縣君

鎮國公夫人以下奉國將軍淑人以上。咸會燕。由本家自請。聘朝臣之女。其父母加給銀三百兩。

鎮國將軍婚禮。崇德年間定。納采禮。緞衣三襲。緞衾褥二具。布衣一襲。布衾褥一具。金約領一。金簪二。金耳飾全副。是日設燕用牲六。成婚日。具燕十有五席。

輔國將軍婚禮。崇德年間定。納采禮。緞衣二襲。緞衾褥一具。餘與鎮國將軍同。是日設燕用牲四。成婚日。具燕十席。

奉國將軍婚禮。○崇德年間定。納采禮。無約領。  
順治九年。定。有約領。餘與輔國將軍同。是日設燕用牲三。  
成婚日。具燕八席。

奉恩將軍婚禮。○道光四年定。納采禮。緞衣二襲。緞衾褥一具。布衣一襲。餘與奉國將軍同。是日設燕用牲二。成婚日。具燕七席。

閒散宗室婚禮。○崇德年間定。納采禮。緞衣一襲。布衣一襲。緞衾布褥一具。金耳飾全副。是日具燕用牲二。成婚日。具燕五席。○順治九年奏定。納采禮。緞衣二襲。緞衾褥一具。金約領一具。

金耳飾全副。是日具燕用牲二。成婚日。具燕六席。

覺羅婚禮。○崇德年間定。覺羅婚娶。有職者各照品級。無職者與庶民同。○順治九年定。無職覺羅行納采禮。緞衣二襲。緞衾褥一具。金約領一具。金耳飾全副。是日具燕用牲二。成婚日。具燕五席。

王公以下婚娶通例。○凡王公婚禮。王等自聘。廷臣女為婚者。既成言。王等往謁福晉夫人父母。如

皇子儀。遂諏吉。行納采禮。自親王至輔國公。各具簪珥。約領指環。衣裳衾褥有差。以府屬官充使。從者以禮物從。至門。主人迎入。使者陳禮物於廳事。主人受禮。迺饗使者。使者退。主人送於門。是日設燕。親王婚禮。自親王以下。侍郎男以上。公主福晉以下。郡王貝子夫人以上。咸會燕。世子郡王會燕。與親王同。貝勒婚禮。自郡王以下。尚書子以上。郡主郡王福晉以下。郡君貝子夫人以上。咸會燕。貝子婚禮。自貝勒以下。公以上。及本旗官屬。郡君貝勒夫人以下。縣君輔國公。



夫人以上。咸會燕。鎮國公婚禮。自貝子以下。奉國將軍以上。縣君貝子夫人以下。鄉君奉國將軍淑人以上。咸會燕。輔國公。惟貝子貝子夫人。不會燕。餘如鎮國公。婚期前一日。女氏齋奩具詣府。陳於室。至日。具福晉夫人儀衛。綵輿往迎。以府屬官充導從。至門。儀衛止。輿入廳事中。福晉夫人具吉服升輿。儀衛前引。府屬官隨從如儀。至府。由中門入。至殿堂前降輿。執事官退。女侍迎入室。屆時。行合巹禮。是日設燕。與納采日同。若聘外藩女為婚。納采用鞞馬甲冑繒布。婚

期前行聘禮如之。其物數多寡。均以王貝勒貝子公為差。聘禮又以外藩王貝勒台吉之女為差。餘如前儀。福晉夫人之父若母。及外藩女之兄弟從人。各分別給賞。王等如奉

旨賜婚。具朝服詣

太和殿前謝

恩。行禮如儀。既成婚。行禮亦如之。王公之子。未受爵者。婚禮得視其父。已受爵者。各從其爵。鎮國將軍以下。至閒散宗室。納采及成婚日。親友僚屬咸會。禮物燕席。視公之數遞減。各有差。覺羅有

官者從其品。無官視間散宗室。餘均如前儀。

順治九年定。王以下公以上奉

旨賜婚者。咸朝服於

中和殿或

位育宮謝

恩。不贊行三跪九叩禮。成婚日行禮同。又定。王公未受

封之子婚禮視其父。已受

封者各從其爵。康熙元年定。王以下八分公以上。有婚嫁事。報禮部具題奉

旨賜婚者。咸朝服於

太和殿。或

宮門前行謝

恩禮。其納采用布者。改用緞。餘均如舊例。

郡主于歸禮。崇德年間定。親王女嫁於朝臣。聘禮。羣馬甲冑各十有五。納采成婚燕。如親王例。嫁於外藩親王郡王貝勒台吉等。納采用牲六十有三。馭三。馬四。羊五十有六。率準七九之數。燕用牲四十有五。聘禮。馬六十。牛六十。羊六百。成婚日。燕用牲六十有三。媵婢八名。男婦五

戶。○順治九年定。朝臣聘禮。輦馬甲冑各七。○  
乾隆三十五年定。郡主媵婢六名。男婦四戶。嫁  
於朝臣。聘禮。輦馬各七。燕五十席。牲三十有六。  
酒五十瓶。嫁於外藩。納采禮。馱一。馬四。羊四。聘  
禮。馬六。牛六。羊六十。燕三十六席。牲三十有六。  
酒三十六瓶。

縣主于歸禮。○崇德年間定。郡王女嫁於朝臣。  
聘禮。輦馬甲冑各十有三。納采成婚。燕如郡王  
例。嫁於外藩。親王郡王貝勒台吉等。納采與郡  
主同。聘禮。馬五十。牛五十。羊五百。成婚日。燕用

牲六十有三。媵婢七名。男婦四戶。○順治九年定。朝臣聘禮。鞵馬甲冑各五。○乾隆三十五年定。縣主媵婢四名。男婦三戶。嫁於朝臣。聘禮。鞵馬各五。燕四十席。牲二十有七。酒四十瓶。嫁於外藩。納采禮。馱一馬。三羊。五聘禮。馬五。牛五。羊五十。燕如郡主。

郡君子歸禮。○崇德年間定。貝勒女嫁於朝臣。聘禮。鞵馬甲冑各十有一。納采成婚燕。如貝勒例。嫁於外藩。納采禮物與郡主同。燕用牲二十有七。聘禮。馬四十。牛四十。羊四百。成婚日。燕用

牲四十有五。媵婢六名。男婦三戶。○順治九年  
定。朝臣聘禮。鞵馬甲冑各四。○乾隆三十五年  
定。郡君媵婢三名。男婦二戶。嫁於朝臣。聘禮。鞵  
馬各四。燕三十席。牲二十有一。酒三十瓶。嫁於  
外藩。納采禮。馱一。馬二。羊六。聘禮。馬四。牛四。羊  
四十。燕三十席。牲三十。酒三十瓶。

縣君于歸禮。○崇德年間定。貝子女嫁於朝臣。  
聘禮。鞵馬甲冑各九。納采成婚燕。如貝子例。嫁  
於外藩。納采禮物。與郡君同。聘禮。馬三十。牛三  
十。羊三百。成婚日。燕用牲二十有七。媵婢五名。

男婦二戶。○順治九年定。朝臣聘禮。輦馬甲冑各三。○乾隆三十五年定。縣君媵婢二名。男婦二戶。嫁於朝臣。聘禮。輦馬各三。燕二十席。牲十有七。酒二十瓶。嫁於外藩。納采禮。馬三。羊六。聘禮。馬三。牛三。羊三十。燕二十四席。牲二十有四。酒二十四瓶。

鄉君子歸禮。○崇德年間定。鎮國公輔國公女。嫁於朝臣。聘禮。輦馬甲冑各七。納采成婚。燕。鎮國公女如鎮國公。輔國公女如輔國公例。嫁於外藩。納采與縣君同。聘禮。馬二十有五。牛二十



有五。羊二百五十。成婚日。燕用牲二十有七。鎮國公女。媵婢四名。男婦二戶。輔國公女。媵婢三名。男婦二戶。○順治九年定。朝臣聘禮。牽馬甲冑各二。○乾隆三十五年定。鄉君媵婢二名。嫁於朝臣。聘禮。牽馬各二。燕十六席。牲十有四。酒十六瓶。嫁於外藩。納采禮。馬二。羊七。聘禮。馬二。牛二。羊二十。燕如縣君。

郡主以下。于歸通例。○順治九年定。凡奉

旨賜婚公主。郡主等。外藩王以下。內外各官。咸朝服於

中和殿或

位育宮謝

恩不贊。行三跪九叩禮。成婚日行禮同。○康熙元年  
定奉

旨賜婚者。外藩王以下。內外各官。詣

太和殿或

宮門前行謝

恩禮如儀。○五年定。鎮國輔國將軍女嫁於外藩。賚  
送滿洲男婦二名。蒙古漢人男婦六名。奉國奉  
恩將軍女。賚送不得用滿洲。止用蒙古漢人男

婦六名。宗室女。媵送蒙古漢人男婦四名。○七年定。外藩親王女。媵婢八名。男婦五戶。外藩郡王女。婢七名。男婦四戶。外藩貝勒女。婢六名。男婦三戶。外藩貝子女。婢五名。男婦二戶。外藩鎮國公女。婢四名。男婦二戶。外藩輔國公女。婢三名。男婦二戶。一等台吉塔布囊以下四等台吉塔布囊以上女。係屬下人。媵婢二名。家下人。媵婢六名。台吉等女。媵婢許增二名。○八年定。奉旨賜婚郡主以下謝。

恩行禮者。均由部具題。○又定。郡主縣主歸甯母家。

有給人口者。不得用滿洲。止用蒙古漢人八名。郡君以下。鄉君以上。蒙古漢人六名。鎮國將軍以下。宗室以上女。蒙古漢人四名。○乾隆三十五年定。朝臣不進納采禮。外藩進納采禮。不設燕。

官員士庶婚禮。○凡品官婚禮。先以媒妁通言二姓。遂諏吉。行納采禮。自公侯伯至九品以上官。各具簪珥。約領衣服衾褥有差。主人吉服。命子弟為使。從者齎禮物如女氏。至門。女氏主人吉服迎入。從者陳禮物於廳事。賓致命。主人祇

受。告於廟。迺禮賓。賓退。主人送於門。使者還復命。是日設燕。燕具牲酒。自公侯以下。數各有差。婚期前一日。女氏以奩具往陳壻家。至日。壻家具合卺燕於室。壻吉服以俟。迺設儀衛。以婦與如女氏。女氏主人告於廟。并而命之。醴女以俟迎者。迎者至。姆奉女升輿。行至門。女侍導婦入室。壻婦交拜訖。行合卺禮。是日設燕。與納采日同。品官之子。未受職者。禮得視其父。已受職者。各從其品。士婚禮得視九品官。庶民納采首飾。數以四為限。與不綵飾。餘均得視士。越三日。主

人主婦率新婦見於廟。分不得立廟者。見祖禰於寢。如常告儀。○順治九年定。公納采禮。緞衣五襲。緞衾褥三具。金約領一具。金簪三枝。金耳飾全副。是日具筵用牲九。成婚日。具筵二十席。侯納采禮與公同。納采日。具筵用牲八。成婚日。具筵十有八席。伯納采禮與侯同。納采日。具筵用牲七。成婚日。具筵十有七席。一品官納采禮。緞衣四襲。餘與侯伯同。納采日。具筵用牲六。成婚日。具筵十有五席。二品官納采禮。緞衣三襲。緞衾褥二具。餘與一品官同。納采日。具筵用牲

四。成婚禮。具筵十席。三品官納采禮。與二品官同。納采日。具筵用牲三。成婚禮。具筵八席。四品官納采禮。緞衣二襲。緞衾褥一具。金約領一具。金耳飾全副。納采日。具筵用牲二。成婚禮。具筵六席。五品官納采禮。與四品官同。納采日。具筵用牲二。成婚禮。具筵五席。六品以下官納采禮。與五品官同。納采日。具筵用牲二。成婚禮。用牲三。軍民人等納采禮。衣一襲。衾褥一具。金耳環全副。納采日。具筵用牲一。成婚禮。用牲二。○康熙七年定。公納采禮。緞衣五襲。緞衾褥四具。金

約領一具。金簪四枝。金耳飾全副。金指環四。是日具筵十有六席。成婚日。筵二十六席。侯納采禮。緞衣五襲。緞衾褥三具。金約領一具。金簪三枝。金耳飾全副。是日具筵十有三席。成婚日。筵二十席。伯納采禮與侯同。納采日。具筵十有二席。成婚日。筵十有八席。一品官納采禮。緞衣四襲。緞衾褥三具。金約領一具。金簪三枝。金耳飾全副。是日具筵十席。成婚日。筵十有六席。二品官納采禮。緞衣三襲。緞衾褥二具。餘與一品同。是日具筵八席。成婚日。筵十有二席。三品官納



采禮。與二品官同。納采日。燕用牲八。成婚日。具筵九席。四品官納采禮。緞衣二襲。餘與三品同。納采日。燕用牲七。成婚日。具筵八席。五品官納采禮。與四品官同。納采日。燕用牲六。成婚日。具筵六席。六品以下官納采禮。與五品官同。納采日。燕用牲五。成婚日。用牲七。○雍正元年定。公納采禮。金約領一具。金簪三枝。金耳飾一副。緞衣四襲。緞衾褥三具。納采日。燕用牲九。成婚日。具筵二十席。侯納采禮與公同。納采日。燕用牲八。成婚日。具筵十有八席。伯納采禮與侯同。納

采日。燕用牲七。成婚日。具筵十有七席。一品官  
納采禮。緞衣三襲。餘與伯同。納采日。燕用牲六。  
成婚日。具筵十有五席。二品官納采禮。緞衣二  
襲。緞衾褥二具。餘與一品官同。納采日。燕用牲  
四。成婚日。具筵十有三席。三品官納采禮。金簪  
二枝。餘與二品官同。納采日。燕用牲三。成婚日。  
具筵八席。四品官納采禮。金約領一具。金耳飾  
一副。緞衣一襲。緞衾褥一具。納采日。燕用牲二。  
成婚日。具筵六席。五品官納采禮。與四品官同。  
納采日。燕用牲二。成婚日。具筵五席。六品以下

納采禮。與五品官同。納采日。具筵用牲二。成婚日。用牲三。自四品以下。約領耳飾。各聽其力能具者備用。軍民人等納采禮。衣一襲。衾褥一具。具筵用牲一。成婚日。用牲二。凡有品級官員婚嫁。或用本官執事。鼓樂人不得過十二名。鐙不得過六對。無品級人及生監軍民。不得僭用執事。鼓樂人不得過八名。鐙不得過四對。一應糜費。概行嚴禁。○又定。漢人婚娶。納采及成婚禮。四品官以上。紬緞不得過八疋。金銀首飾不得過八件。食品不得過十。五品以下官各減二。八

品官以下有頂戴人員以上。又各減二。軍民人等。紬絹不得過四。果盒不得過四。其金銀財禮。官民概不許用。至庶民婦女。有僭用冠帔補服大轎者禁。違者罪坐夫男。

欽定大清會典事例卷三百二十六

禮部

冠服  
皇帝  
貴妃  
皇子  
皇貴妃  
皇孫  
福晉  
皇曾孫  
皇親  
王冠服  
貝勒冠服  
貝子冠服  
鎮國將軍冠服  
輔國將軍冠服  
宗室覺羅冠服

太子冠服  
皇孫  
福晉  
皇子  
皇貴妃  
皇孫  
福晉  
皇曾孫  
皇親  
王冠服  
貝勒冠服  
貝子冠服  
鎮國將軍冠服  
輔國將軍冠服  
宗室覺羅冠服

皇孫  
福晉  
皇子  
皇貴妃  
皇孫  
福晉  
皇曾孫  
皇親  
王冠服  
貝勒冠服  
貝子冠服  
鎮國將軍冠服  
輔國將軍冠服  
宗室覺羅冠服

貝勒冠服  
貝子冠服  
鎮國將軍冠服  
輔國將軍冠服  
宗室覺羅冠服

貝勒冠服  
貝子冠服  
鎮國將軍冠服  
輔國將軍冠服  
宗室覺羅冠服

皇帝冠服

皇帝冬朝冠。薰貂為之。十一月朔至上元用黑狐。上

緞朱緯。頂三層。貫東珠各一。皆承以金龍各四。

師東珠如其數。上銜大珍珠一。夏朝冠。織玉草  
或藤竹絲為之。緣石青片金二層。上綴朱緯。前  
綴金佛。飾東珠十五。後綴舍利。飾東珠七。頂如  
冬朝冠。端罩紫貂為之。明黃緞裏。左右垂帶各  
二。下廣而銳。色與裏同。十一月朔至上元用黑  
狐裘服。色用石青。繡五爪正面金龍四團。兩肩  
前後各一。其章左日右月。前後萬壽篆文。間以  
五色雲。朝服。色用明黃。惟

南郊

祈穀

雩祭用藍朝

日用紅夕

月用月白。其制披領及袖皆石青。冬用片金加海龍緣。夏用片金緣。繡丈兩肩前後正龍各一。腰帷行龍五。衽正龍一。襪積前後團龍各九。裳正龍二。行龍四。披領行龍二。袖端正龍各一。列十二章。日月星辰山龍華蟲黼黻在衣。宗彝藻火粉米在裳。閒以五色雲。下幅八寶平水。十一月朔至上元。用緣貂朝服。其制披領及裳皆表以紫貂。袖端薰貂。繡丈兩肩前後正龍各一。襪積行

龍六列十二章。均在衣。間以五色雲。朝珠用東珠一百有八。佛頭記念背雲大小墜。珍寶雜飾。各惟其宜。惟祀。

天以青金石為飾。祀。

地球用琥珀。朝。

日用珊瑚。夕。

月用綠松石。雜飾惟宜。條皆明黃色。朝帶之制二。皆明黃色。其一龍文金圓版四。飾紅寶石或藍寶石及綠松石。每具銜東珠五。圍珍珠二十。左右佩帔淺藍及白各一。下廣而銳。中約鏤金圓結。



飾寶如版。圓珠各三十。佩囊丈繡。燧觶刀削。結佩惟宜。條皆明黃色。其二龍丈金方版四。其飾祀

天用青金石。祀

地用黃玉。朝

日用珊瑚。夕

月用白玉。每具銜東珠五。佩帔及條。惟

圓丘用純青。餘如圖版。朝帶之制。中約圓結。如版飾。銜東珠各四。佩囊純石青。左觶右削。並從版色。吉服冠。頂滿花金座。上銜大珍珠一。龍袍色用明

黃領袖皆石青。片金緣。繡文金龍九列十二章。聞以五色雲。領前後正龍各一。左右及交襟處行龍各一。袖端正龍各一。下幅八寶立水。裾左右開。吉服朝珠。珍寶隨所御。吉服帶用明黃色。鏤金版四。方圓惟便。銜以珠玉。雜寶惟宜。左右佩帔純白。下直而齊。中約金結。如版飾。餘如朝帶。常服冠紅絨結頂。常服褂色用石青。花文隨所御。常服袍色及花文隨所御。裾左右開。常服帶如吉服。雨衣雨裳之制皆用明黃色。氈及羽緞油紬惟其時。○崇德元年定冠用東珠。

寶石飾頂。服黃袍。帶用玉。飾金銜珠。○康熙二十二年定。凡大典禮及祭

壇

廟冠用大珍珠東珠飾頂。禮服用黃色秋香色藍色。五爪三爪龍文。○雍正元年定。祭服用天青明黃大紅月白四色。織為圓金龍九。當龍口珠各一。腰襴小圓金龍彩雲環之。下作山水之狀。

皇后冠服。

皇后冬朝冠。薰貂為之。上綴朱緯。頂三層。貫東珠各一。皆承以金鳳。飾東珠各三。珍珠各十七。上銜

大東珠一。朱緯上周綴金鳳七。飾東珠各九。貓睛石各一。珍珠各二十一。後金翟一。飾貓睛石一。珍珠十六。翟尾垂珠。凡珍珠三百有二。五行二就。每行大珍珠一。中間金銜青金石結一。飾東珠珍珠各六。末綴珊瑚冠後護領。垂明黃條二。末綴寶石。青緞為帶。夏朝冠。青絨為之。餘皆如冬朝冠。金約。鏤金雲十三。飾東珠各一。間以青金石。紅片金裏。後繫金銜綠松石結。貫珠下垂。凡珍珠三百二十四。五行三就。每行大珍珠一。中間金銜青金石結二。每具飾東珠珍珠各

八。末綴珊瑚耳飾。左右各三。每具金龍銜一等東珠各二。朝褂之制三。皆石青色。片金緣。其一繡文前後立龍各二。下通襞積。四層相間。上為正龍各四。下為萬福萬壽。其二繡文前後正龍各一。腰帷行龍四。中有襞積。下幅行龍八。其三繡文前後立龍各二。中無襞積。下幅八寶平水。領後皆垂明黃條。其飾珠寶惟宜。朝袍之制三。皆明黃色。其一披領及袖皆石青。片金加貂緣。肩上下襲朝褂處亦加緣。繡文金龍九。間以五色雲。中無襞積。下幅八寶平水。披領行龍二。袖

端正龍各一。袖相接處行龍各二。其二披領及袖皆石青。冬用片金加海龍緣。夏用片金緣。肩上下襲朝褂處亦加緣。繡丈前後正龍各一。兩肩行龍各一。腰帷行龍四。中有襲積。下幅行龍八。其三領袖片金加海龍緣。夏片金緣。中無襲積。裾後開。餘俱如貂緣朝袍之制。領後垂明黃條。飾珠寶惟宜。領約。鏤金為之。飾東珠十一。間以珊瑚。兩端垂明黃條二。中各貫珊瑚。末綴綠松石各二。朝珠三盤。東珠一。珊瑚二。佛頭記念背雲大小墜。珠寶雜飾惟宜。條皆明黃色。緣。腕。

綠色。繡丈為五穀豐登。佩箴管繫。褰之屬。條皆明黃色。冬朝裙。片金加海龍緣。上用紅織金壽字緞。下石青行龍。稚緞。皆正幅。有襞積。夏朝裙。片金緣。緞紗各惟其時。吉服冠。頂用東珠。龍褂之制二。皆石青色。其一繡丈五爪金龍八團。兩肩前後正龍各一。襟行龍四。下幅八寶立水。袖端行龍各二。其二制如之。下幅及袖端不施章采。龍袍之制三。色用明黃。領袖皆石青。其一繡大金龍九間。以五色雲。福壽文采惟宜。下幅八寶立水。領前後正龍各一。左右及交襟處行龍

各一。袖如朝袍。裾左右開。其二繡丈五爪金龍八團。兩肩前後正龍各一。襟行龍四。下幅八寶立水。領袖及裾均如前制。其三制如之。下幅不施章采。吉服朝珠一盤。珍寶隨所御。條皆明黃色。

國初定。凡慶賀大典。冠用東珠飾頂。禮服用黃色秋香色。鳳凰翟鳥及五爪龍文。

皇貴妃

貴妃

妃



嬪冠服。

皇貴妃朝冠。頂三層。貫東珠各一。皆承以金鳳。飾東珠各三。珍珠各十七。上銜大珍珠一。朱緯上周綴金鳳七。飾東珠各九。珍珠各二十一。後金翟一。飾貓睛石一。珍珠十六。翟尾垂珠。凡珍珠一百九十二。三行二就。中間金銜青金石結一。飾東珠珍珠各四。末綴珊瑚。冠後護領。垂明黃條二。末綴寶石。青緞為帶。金約。鏤金雲十二。飾東珠各一。間以珊瑚。紅片金裏。後繫金銜綠松石結。貫珠下垂。凡珍珠二百有四。三行三就。中

開金銜青金石結二。每具飾東珠珍珠各六。末綴珊瑚耳飾。左右各三。每具金龍銜二等東珠各二。領約。鏤金為之。飾東珠七。間以珊瑚。兩端垂明黃條二。中各貫珊瑚。末綴珊瑚各二。朝珠三盤。琥珀一。珊瑚二。餘如

皇后。龍褂。色用石青。繡丈五爪金龍八團。兩肩前後正龍各一。襟行龍四。下幅八寶立水。袖端行龍各二。龍袍。色用明黃。領袖皆石青。繡丈金龍九。間以五色雲。福壽文米惟宜。下幅八寶立水。領前後正龍各一。左右及交襟處行龍各一。袖如

朝袍。裾左右開。吉服朝珠一盤。條明黃色。餘皆如

皇后。

貴妃冠服。垂條皆金黃色。袍色亦用金黃。餘皆如皇貴妃。

妃朝冠。頂二層。貫東珠各一。皆承以金鳳。飾東珠共九。珍珠各十七。上銜貓睛石。朱緯上周綴金鳳五。飾東珠各七。珍珠各二十一。後金翟一。飾貓睛石一。珍珠十六。翟尾垂珠。凡珍珠一百八十八。三行二就。中間金銜青金石結一。飾東珠

珍珠各四。末綴珊瑚冠後護領。垂金黃條二。末綴寶石。青緞為帶。金約。鏤金雲十一。飾東珠各一。間以青金石。紅片金裏。後繫金銜綠松石結。貫珠下垂。凡珍珠一百九十七。三行三就。中間金銜青金石結二。每具飾東珠珍珠各六。末綴珊瑚耳飾。左右各三。每具金龍銜三等東珠各二。綵帨繡丈為雲芝瑞草。吉服冠頂用碧瑱珰。餘皆如

貴妃。

嬪朝冠頂二層。貫東珠各一。皆承以金翟。飾東珠

共九。珍珠各十七。上銜礪子。朱緯上周綴金翟  
五。飾東珠各五。珍珠各十九。後金翟一。飾珍珠  
十六。翟尾垂珠。凡珍珠一百七十二。三行二就。  
中間金銜青金石結一。飾東珠珍珠各三。末綴  
珊瑚冠後護領。垂金黃條二。末綴寶石。青緞為  
帶。金約。鏤金雲八。飾東珠各一。間以青金石。紅  
片金裏。後繫金銜綠松石結。貫珠下垂。凡珍珠  
一百七十七。三行二就。中間金銜青金石結二。  
每具飾東珠珍珠各四。末綴珊瑚耳飾。左右各  
三。每具金龍銜四等東珠各二。朝珠三盤。珊瑚

一。寶珎。二。綵帨。不繡花文。龍褂。繡文兩肩前後。  
正龍各一。襟夔龍四。袍皆用香色。餘皆如  
妃。

國初定。凡慶賀大典。

皇貴妃

貴妃冠頂。用東珠十有二。

妃用東珠十有一。禮服用鳳凰翟鳥五爪龍緞。  
翟緞八國龍緞。若黃色秋香色。不得用。

嬪冠頂。用東珠十。禮服用翟鳥五爪龍緞。翟緞四

國龍緞。

皇太子冠服。康熙十四年定。冠頂用東珠十有三。禮服用秋香等色。五爪三爪龍緞滿翠八團龍等緞。帶用玉版。以金銜之。飾以東珠。

皇子

皇子福晉冠服。

皇子冬朝冠。薰貂為之。十一月朔至上元用青狐頂金龍二層。飾東珠十。上銜紅寶石。夏朝冠。前綴舍利。飾東珠五。後綴金花。飾東珠四。頂如冬朝冠。端罩紫貂為之。金黃緞裏。左右垂帶各二。下廣而銳。色與裏同。龍褂。色用石青。繡五爪正

面金龍四圍。兩肩前後各一。間以五色雲。朝服之制二。皆金黃色。其一披領及裳皆表以紫貂。袖端薰貂。繡丈兩肩前後正龍各一。襪積行龍六。間以五色雲。其二披領及袖皆石青。冬用片金加海龍緣。夏用片金緣。繡丈兩肩前後正龍各一。腰帷行龍四。裳行龍八。披領行龍二。袖端正龍各一。中有襪積。下幅八寶平水。朝珠。不得用東珠。餘隨所用。條皆金黃色。朝帶。色用金黃。金銜玉方版四。每具飾東珠四。中飾貓睛石一。左右佩條如帶色。吉服冠。紅絨結頂。蟒袍。色用



金黃片金緣。繡文通九蟒。裾左右開。吉服帶色。用金黃版飾。惟宜。佩條如帶色。雨冠雨衣雨裳之制。均用紅色。氈及羽紗油紬。惟其時。

皇子福晉朝冠。頂鏤金三層。飾東珠十。上銜紅寶石。朱緯上周綴金孔雀五。飾東珠各七。小珍珠三十九。後金孔雀一。垂珠三行二就。中間金銜青金石結一。飾東珠各三。末綴珊瑚。冠後護領垂金黃條二。末亦綴珊瑚。青緞為帶。金約鏤金雲九。飾東珠各一。間以青金石。紅片金裏。後繫金銜青金石結。貫珠下垂。三行三就。中間金銜

青金石結二。每具飾東珠珍珠各四。末綴珊瑚耳飾。左右各三。每具金雲銜珠各二。朝褂。色用石青。片金緣。繡文前行龍四。後行龍三。領後垂金黃條。雜飾惟宜。朝袍。用香色。披領及袖皆石青。冬用片金加海龍緣。夏用片金緣。肩上下襲朝褂處亦加緣。繡文前後正龍各一。兩肩行龍各一。襟行龍四。披領行龍二。袖端正龍各一。袖相接處行龍各二。裾後開。領後垂金黃條。雜飾惟宜。領約。鏤金為之。飾東珠七。間以珊瑚。兩端垂金黃條二。中各貫珊瑚。末綴珊瑚各二。朝珠

三盤。珊瑚一。蜜珀二。條皆金黃色。綵悅。月白色。不繡花文。結佩惟宜。條皆金黃色。冬朝裙。片金加海龍緣。上用紅緞。下石青行龍。粧緞。皆正幅。有襃積。夏朝裙。片金緣。緞紗。各惟其時。吉服冠。頂用紅寶石。吉服褂。色用石青。繡五爪正龍四圍。前後兩肩各一。蟒袍。用香色。通繡九龍。吉服朝珠一盤。條金黃色。○嘉慶四年

諭。向來阿哥等。俱戴紅絨結頂帽。朝帽係戴用紅寶石頂。惟夏季遇有戴羽纓帽時。與常人無所區別。嗣後如戴羽纓帽。即著戴用紅寶石頂。

皇孫

皇孫福晉冠服。

皇孫冬朝冠。薰貂為之。十一月朔至上元用青狐頂金龍二層。飾東珠七。上銜紅寶石。夏朝冠。前綴舍林。飾東珠三。後綴金花。飾東珠二。頂如冬朝冠。端罩青狐為之。月白綴裏。左右垂帶各二。下廣而銳。色與裏同。補服色用石青。前後繡四爪正蟒各一團。冬朝服二。其色俱不得用金黃。餘隨所用。其一披領及裳俱表以紫貂。袖端薰貂。兩肩前後繡蟒各一。襪積繡蟒六。間以五色。

雲。其二冬用片金。加海龍緣。夏用片金緣。兩肩前後繡蟒各一。腰帷繡蟒四。裳繡蟒八。披領繡蟒二。袖端繡蟒各一。下幅八寶平水。吉服冠。紅絨結頂。吉服褂。用圓壽字雙螭補。前後兩團。蟒袍。用藍醬色。夏季羽纓冠。頂用紅寶石。至有封爵及續受封爵。所用服色。照所封品級改用。

皇孫福晉冬朝冠。頂鏤金二層。飾東珠七。上銜紅寶石。朱緯上周綴金孔雀五。飾東珠各三。後金孔雀一。垂珠三行二就。中間金銜青金石結一。末綴珊瑚。冠後護領。垂石青條二。末亦綴珊瑚。

青緞為帶。夏朝冠。青絨為之。餘俱如冬朝冠。朝  
褂。色用石青。片金緣。前繡蟒四。後繡蟒三。領後  
垂石青條。雜飾惟宜。冬朝袍。藍與石青諸色隨  
所用。片金加海龍緣。夏朝袍。片金緣。肩上下襲  
朝褂處亦加緣。前後繡蟒各一。兩肩繡蟒各一。  
襟繡蟒四。披領繡蟒二。袖端繡蟒各一。袖相接  
處繡蟒各二。裾後開。領後垂石青條。雜飾惟宜。  
吉服用八團圓壽字雙螭補褂。蟒袍。紅綠顏色  
各隨其宜。惟不准用金黃香色。受封後所用服  
色。視

皇孫。

皇曾孫

皇曾孫福晉冠服。

皇曾孫冬朝冠。頂用金龍二層。飾東珠六。上銜紅寶石。夏朝冠。前綴舍利。飾東珠二。後綴金花。飾東珠一。頂如冬朝冠。補服。色用石青。前後繡四爪行蟒各一團。蟒袍。用藍醬色。吉服冠。紅絨結頂。吉服褂。用圓壽字寶相花補。前後兩團。夏季羽纓冠。紅寶石頂。其餘冠制與端罩及冬夏朝服均與。

皇孫同。封爵後所用服色。照所封品級改用。

皇曾孫福晉冬夏朝冠。頂鏤金二層。飾東珠六。上銜紅寶石。吉服用八團圓壽字寶相花補褂。其餘冠制與朝褂冬夏朝服蟒袍均與

皇孫福晉同。受封後所用服色視

皇曾孫。

皇元孫

皇元孫福晉冠服。

皇元孫冬朝冠。頂用金龍二層。飾東珠五。上銜紅寶石。夏朝冠。前綴舍利。飾東珠一。後綴金花。飾



綠松石一。頂如冬朝冠。端罩紫貂為之。月白緞裏。左右垂帶各二。下廣而銳。色與裏同。補服。色用石青。前後繡四爪正蟒。方補。吉服冠。紅絨結頂。吉服用織金瓜瓠褂。夏季羽纓冠。紅寶石頂。其餘冠制與冬夏朝服蟒袍均與

皇曾孫同。封爵後服色照所封品級改用。

皇元孫福晉冬夏朝冠。頂鏤金二層。飾東珠五。上銜紅寶石。吉服用繡五彩瓜瓠褂。其餘冠制與朝褂及冬夏朝服蟒袍均與

皇曾孫福晉同。受封後所用服色視

皇元孫。

親王冠服。○凡親王端罩。青狐為之。月白緞裏。  
若

賜金黃色者亦得用之。補服。色用石青。繡五爪金龍。  
四圍前後正龍。兩肩行龍。朝服蟒袍。藍及石青。  
諸色隨所用。若

賜金黃色者亦得用之。吉服冠。頂用紅寶石。若  
賜紅絨結頂者亦得用之。坐褥。冬用純貂皮。夏用五  
爪龍紅緞襯。紅白氈。餘皆如

皇子。○崇德元年定冠頂三層。上銜紅寶石。中飾

東珠八。前舍林飾東珠四。後金花飾東珠三。帶用玉四。以金銜之。共飾東珠四。坐褥。冬用豹皮。夏用蟒緞。襯紅白氈。○順治九年題准。冠頂三層。共飾六分以下東珠十。舍林飾東珠五。後花飾東珠四。帶玉各飾東珠四。貓睛石一。補服用五爪圓龍文四。服用滿翠五爪四圓龍緞。坐褥。冬用純貂皮。夏用五爪龍紅緞。襯紅白氈。○乾隆三十年奏定。坐褥。冬用猞猁。貂皮緣邊。世子冠服。○凡親王世子朝冠。頂金龍二層。飾東珠九。上銜紅寶石。朝帶。金銜玉方版四。每具

飾東珠三。坐褥。冬用猞猁獬緣貂皮。夏用四爪蟒文藍緞。餘如親王。○順治九年題准。冠頂三層。共飾五分以下東珠九。帶用玉四。以金銜之。各飾東珠三。服與親王同。坐褥。冬用猞猁獬緣貂皮。夏用四爪蟒文藍緞。襯紅白氈。○乾隆三十年奏定。坐褥。冬用貂皮。猞猁獬緣邊。

郡王冠服。○凡郡王朝冠。頂金龍二層。飾東珠八。上銜紅寶石。夏朝冠。前綴舍利。飾東珠四。後綴金花。飾東珠三。補服。繡五爪行龍四圍。兩肩前後各一。朝帶。金銜玉方版四。每具飾東珠二。

貓睛石一。餘皆如親王世子。○崇德元年定冠頂三層。上銜紅寶石。中飾東珠七。前舍林飾東珠三。後金花飾東珠二。帶用玉四。以金銜之。飾綠松石四。坐褥。冬用貂皮。夏用蟒緞。襯紅白氈。○順治九年題准。冠頂飾五分以下東珠八。舍林飾東珠四。後花飾東珠三。帶玉各飾東珠二。貓睛石一。服與親王同。坐褥與世子同。○乾隆三十年奏定。坐褥。冬用貂皮。捨狔狔緣邊。

貝勒冠服。○凡貝勒朝冠。頂金龍二層。飾東珠七。上銜紅寶石。夏朝冠。前綴舍林。飾東珠三。後

綴金花。飾東珠二。補服。前後繡四爪正蟒各一團。朝服蟒袍。均不得用金黃色。餘隨所用朝服之制。如郡王。通繡蟒文。皆四爪。蟒袍如之。朝帶金銜方玉版四。每具飾東珠二。佩條皆用石青色。坐褥。冬用狔狔獬皮。夏用藍粧花緞。餘如郡王。○崇德元年定冠頂三層。上銜紅寶石。中飾東珠六。前舍林飾東珠二。後金花飾東珠一。帶用玉四。以金銜之。飾寶石四。坐褥。冬用虎皮。夏用閃緞。襯紅白氈。○順治九年題准冠頂飾四分以下東珠七。舍林飾東珠三。後花飾東珠二。

帶玉各飾東珠二。補服用四爪團龍丈二。及蟒丈。粧花等緞。坐褥冬用猞猁獾皮。夏用藍粧花緞。襯紅白氈。

貝子冠服。凡貝子朝冠頂金龍二層。飾東珠六。上銜紅寶石。戴三眼孔雀翎。夏朝冠前綴舍利。飾東珠二。後綴金花。飾東珠一。補服前後繡四爪行蟒各一團。朝帶金銜玉方版四。每具飾東珠一。吉服冠頂用紅寶石。戴三眼孔雀翎。坐褥冬用白豹皮。夏用藍緞。緣以粧緞。餘皆如貝勒。○崇德元年定冠頂二層。上銜紅寶石。中飾

東珠五。前舍林後金花各飾東珠一。帶用玉四。以金銜之。飾藍寶石四。坐褥冬用方虎皮。夏用藍緞襯紅氈。○順治九年題准冠頂共飾四分以下東珠六。舍林飾東珠二。後花飾東珠一。帶玉各飾東珠一。服與貝勒同。坐褥冬用白豹皮。夏用藍緞緣以糙緞。襯紅白氈。

鎮國公冠服。○凡鎮國公朝冠頂金龍二層。飾東珠五。上銜紅寶石。戴雙眼孔雀翎。夏朝冠前綴舍林。飾東珠一。後綴金花。飾綠松石一。端罩紫貂為之。月白緞裏。補服前後繡四爪正蟒。方



補朝帶。金銜玉方版四。每具飾貓睛石一。吉服冠。入八分公頂用紅寶石。不入八分公用珊瑚。均戴雙眼孔雀翎。坐褥。冬用紅豹皮。夏用紅閃緞。襯白氈。餘皆如貝子。○崇德元年定冠頂二層。上銜紅寶石。中飾東珠四。前舍林飾東珠一。後金花飾綠松石一。帶用玉四。以金銜之。飾藍寶石四。坐褥。冬用方虎皮。夏用紅褐襯紅氈。○順治九年題准冠頂共飾四分以下東珠五。舍林飾東珠一。後花飾綠松石一。帶玉各飾貓睛石一。服用四爪方蟒緞。餘與貝勒同。坐褥。冬用

紅豹皮。夏用紅閃緞襯紅氈。

輔國公冠服。○凡輔國公朝冠頂金龍二層飾東珠四。上銜紅寶石。戴雙眼孔雀翎。坐褥冬用紅豹皮。去首尾。夏用青閃緞。餘皆如鎮國公。○崇德元年定冠頂二層。上銜紅寶石。中飾東珠三。前舍林飾綠松石一。後金花飾寶石一。帶與鎮國公同。坐褥冬用狼皮。夏用紅褐緣。旱褐襯紅氈。○順治九年題准冠頂共飾四分以下東珠四。坐褥冬用方赤豹皮。夏用青閃緞襯紅氈。餘與鎮國公同。○又定不入八分公以下均用

三分以下東珠。

鎮國將軍冠服。○凡鎮國將軍朝冠頂鏤花金座中飾東珠一。上銜紅寶石補服前後繡麒麟吉服冠頂用珊瑚餘皆視一品。○崇德元年定冠頂上銜紅寶石帶用金圓版飾紅寶石四。坐褥冬用獾皮夏用皂褐襯紅氈。○順治九年題准冠頂中飾三分以下東珠一。帶用方玉四。以金銜之。各飾紅寶石一。補服用麒麟餘與鎮國公同。坐褥冬用狼皮夏用紅褐緣皂褐襯紅氈。○乾隆二年議准坐褥夏用紅褐餘如舊制。

輔國將軍冠服。○凡輔國將軍朝冠。頂鏤花金座。中飾小紅寶石一。上銜鏤花珊瑚。補服前後繡獅。吉服冠。頂用鏤花珊瑚。餘皆視二品。○崇德元年定冠頂上銜藍寶石。帶用圓金版。坐褥冬用貉皮。夏用阜布。襯紅氈。○順治九年題准冠頂上銜紅寶石。中飾小紅寶石一。帶用圓金版四。各飾紅寶石一。補服用獅。餘與鎮國公同。坐褥冬用獾皮。夏用紅褐緣阜褐。襯紅氈。○雍正八年議准冠頂上銜起花珊瑚。中飾小紅寶石。○乾隆二年議准坐褥夏用紅褐緣阜褐。餘

如舊制。

奉國將軍冠服。○凡奉國將軍朝冠。頂鏤花金座。中飾小紅寶石一。上銜藍寶石。補服。前後繡豹。吉服冠。頂用藍寶石。餘皆視三品。○崇德元年定冠。頂上銜水晶。帶用玲瓏鍍金方鐵版四。坐褥。冬用野山羊皮。夏用藍布襯紅氈。○順治九年題准冠。頂上銜紅寶石。中飾小藍寶石一。帶用起花金圓版四。補服用豹。餘與鎮國公同。坐褥。冬用貉皮。夏用阜布襯紅氈。○雍正八年議准冠。頂上銜藍寶石。或藍色明玻璃。中飾小

紅寶石。○乾隆二年議准。坐褥。夏用阜褐緣紅褐。餘如舊制。

奉恩將軍冠服。○凡奉恩將軍冠服。頂鏤花金座。中飾小藍寶石一。上銜青金石。補服。前後繡虎。吉服冠。頂用青金石。餘皆視四品。惟衣裾四啟。帶用金黃色。餘皆同。

凡宗室衣裾皆四啟。帶皆用金黃色。

○順

治九年題准。冠頂上銜藍寶石。中飾小藍寶石一。帶用鏤花銀圓版四。以金銜之。補服用虎。餘與鎮國公同。坐褥。冬用野山羊皮。夏用藍布襯白氈。○雍正八年議准。冠頂上銜青金石。或藍

色涅玻璃。中飾小藍寶石。○乾隆二年議准。坐褥。夏用阜布襯紅氈。餘如舊制。

宗室覺羅冠服。○順治九年題准。閒散宗室服。用蟒緞。粧緞。倭緞。金花緞。及各種花素緞。衣四開裾。得挂數珠。馬繫繫纓。得用青緞。坐褥襯白氈。覺羅服用金花緞。倭緞。各種花素緞。○康熙十一年題准。宗室服。許用貂皮。狍。獐。獐。○乾隆四十七年

諭。近觀蒙古世襲家譜。知各蒙古王公子嗣及閒散台吉塔布囊。年已及歲者。俱各按定例。給以應得品級。

官頂。而宗室中除承襲封爵及現有官職外。其閒散宗室。向無按品給頂之例。現在宗支繁衍。瓜瓞綿延。皆我

祖

宗派系流傳。譜列銀潢。名登

玉牒。乃以身無職級。竟至與齊民無別。殊不足以示親親而崇體制。嗣後著將王貝勒貝子公子嗣及閒散宗室年已及歲者。俱照蒙古王公台吉塔布囊之例。分別給予品級官頂。其宗室現在當差職分較小者。准其與閒散宗室一體照例換給官頂。在宗室等身



有品級。自必各知自愛。不至蕩檢踰閑。其中或有不肖犯法之人。亦照蒙古台吉塔布囊之例。即行革去官頂。如此則於褒榮之中。仍寓勸懲之意。藉此可以教育成全。而天家子姓。俱得邀章服之榮。益足昭國家睦族展親之誼。甚盛典也。所有如何分別嫡庶等第酌給官頂之處。著大學士軍機大臣會同宗人府詳細妥議具奏。至

聖祖

世宗之孫。及現在皇子皇孫皇曾孫元孫輩。俱可戴紅絨結頂。其如何分別支派遠近。准其戴用之處。亦著

一併妥議具奏。再覺羅雖亦係宗親。但派系稍遠。向准其同旗人應試出仕。且有任各省州縣者。一體另給官頂。於現任統屬儀制。轉多未協。毋庸另行議及。將此通諭知之。欽此。遵

旨議定。

聖祖仁皇帝

世宗憲皇帝之孫。未授官爵之先。俱遵

旨戴用紅絨結頂。至十八歲時。照其父職分。依新例按

品換戴官頂補服。

皇孫

皇曾孫

皇元孫輩俱戴紅絨結頂服用花褂統俟

賞封爵秩時再照所封爵秩換戴官頂補服閒散宗  
室

賞給四品官頂並准其穿用四品武職補服永著為  
令。

